

2 Relation de la Nouu. France,

les plus aduisez n'en pouuient douter, comme ayans cognoissance de l'affection du Roy enuers ses nouvelles Terres, qui se vont rendre lvn des beaux fleurons de sa Couronne. N'ignorans pas d'ailleurs que Monseigneur le Cardinal estant le Chef de cette honnorable Compagnie, l'appuy des familles qui passent en ces contrées, le Pere de cette nouvelle Patrie, & le Genie puissant, qui doit faire réussir souz la fauver & l'autorité de sa Majesté, les desseins, que Dieu a de la conuersion de ce nouveau monde, ne manqueroit pas de faire cognoistre, quelle place tient en son cœur cette sainte entreprise. Vne autre apprehension nous tenoit entre la crainte & l'espoir, sur le changement de Gouuerneur. Monsieur de Champlain nous ayant quitté en la dernière année de son Gouernement pour s'en aller au Ciel, nous estoions en suspens, quel zèle auroit son successeur pour cette Eglise naissante. Mais les Nauires paroissans, toutes ces craintes se sont dissipées; le nombre des vaisseaux nous a fait cognoistre que les afaires de la Nouuelle France tiennent